

moribus honestatem sanctè coluit; non ignarus, si quis innocentiam multum intituat commendare alijs, cum ipse nocens reperiat, eum quantum docendo ædificat pridè, tantum malo exemplo destruere postredie.

Equidem nullum ferme hominum genus est, in quod ita omnes oculos coniciant, atq; in doctores Ecclesiæ: quorum etiam levissimi navi Lynceos iniquorum iudicium oculos non possunt effugere; Id ergo probè cognitum habens LOBECHUS ita vitæ & omnia instituit, ut ne mos quidè iustè haberet, quod Theonino dente arroderet.

Altera virtus *vigilantia* est. Oportet enim Episcopum quovis Argo esse vigilantiozem, dareq; operam, ne ipso dormiente & negligente, inimicus hominis in agro dominico ferat zizania: Vnde & Speculatores passim in scriptura dicuntur. Sic & noster Doctor in specula Ecclesiæ constitutus, diligenter non circumspexit tantum, ne vinea domini apud nos consita, ab hostibus veritatis vastaretur: sed & summa cum vigilantia animiq; alacritate muneris sui partes omnes obivit. Norunt hoc summi, norunt hoc infimi, quibus omnibus absq; ullo discrimine, noctu dieq; sine difficultate ulla promptissimus adfuit.

Porro si *Apertitudinem ad docendum* cum Paulo requiras: fuit illa in Doctore nostro egregia, & propemodum admiranda. Invenias quidem doctrina præditos non vulgari, qui tamen infeliciter docere populum attentarint. Nostro vero Doctore utrumq; liberaliter divina concesserat benignitas. Nam non tantum amplectebatur eum qui secundum doctrinam est fidelem sermonem firmiter, eumq; rectè didicerat; sed eundem tanta oris suavitate docebat, tanto verborum ornatu inculcabat, tanto rerum pondere tradebat, tam deniq; nervosa dispositione proponebat, ut docti pariter ac indocti eum & audirent libentissimè, & inde omnes plurimum proficerent.